

爾雅義疏

冊七

圖書集成

卷十

爾雅郭注義疏下之二

棲霞郝懿行學

釋木第十四

說文云木冒也冒地而生从艸下象其根白虎通云木之爲言觸也陽氣動躍觸地而出也大司徒土會

之灋謂之植物而云山林宜阜物川澤宜膏物丘陵宜穀物墳衍宜莢物鄭衆謂植物根生之屬阜物柞栗之屬膏物楊柳之屬理致且白如膏鄭君謂膏當爲櫟字之誤也蓮芡之實有櫟韜穀物梅李之屬莢物齊莢王棘之屬賈疏薺莢卽阜莢也此篇所釋喬者條者莢者核者皆木之類木爲總名故題曰釋木

槲山榎

今之山榎

釋文榎古雅反舍人本又作價詩終南正義引李巡曰山榎一名槲孫炎曰詩云有條有梅條槲也義本毛傳條槲雙聲疊韵故古字通榎通作夏學記云夏楚二物鄭注夏槲也詩正義引陸璣疏云槲今山榎也亦如下田榎耳皮葉白色亦白材理好宜爲車板能溼又可爲棺木宜陽共北山多有之餘見下文榎榎

栲山櫟

栲似櫟色小白生山中因名云亦類漆樹

說文栲山櫟也櫟字依段注改一栲通作栲詩山有栲南山有栲毛傳俱本爾雅正義引舍人曰栲名山栲陸璣疏云山栲與下田栲略無異葉似差狹耳吳人以其葉爲茗方俗無名此爲栲者似誤也今所云爲栲者葉如櫟木皮厚數寸可爲車軸或謂之栲櫟

許慎正以拷讀為糗今人言考失其聲耳所引許君之讀今說文無蓋脫去之糗丘九切詩兩言拷俱與扭韵此古音也爾雅釋文引方志云樛樛拷漆相似如一詩正義引作俗語蓋當時方俗之言故陸孔並援之邵氏補入郭注非也樛說文作枕即今之椿其葉類樛而香可啖山樛葉似樛而多鋸齒又堅緊漆木色白葉亦似樛

柏栳 禮記曰斃白以栳

說文柏斃也詩言新甫之柏本草別錄云生泰山山谷然柏處處有之三月華九月實莊子所謂秋柏之實也郭引禮雜記云斃白以栳杵以梧鄭注所以擣鬱也栳柏也孔疏柏香桐潔白於神為宜按柏有脂而香其性堅緻材理最美

髡栳 未詳

釋文栳五門反則與栳聲義近說文栳栳木未析也葉落樹頭為髡齊民要術有髡柳法又云大樹髡之小則不髡

椶栳 白椶也樹似白楊

釋文引字林云椶木似白栳一名栳檀弓云地棺一鄭注所謂棹棺也引爾雅曰椶栳按椶與木董同名今椶木皮白者為白椶葉大如白楊皮赤者為赤椶葉如水楊其皮柔韌宜以束物白者材輕耐溼故宜為棺也

梅栳 似杏實酢

說文栳梅也梅栳也可食梅或作栳詩墓門有梅有條有梅毛傳俱本爾雅陸璣疏云梅樹皮葉似豫樟豫樟葉大如牛耳一頭尖

赤心華赤黃子青不可食柑葉大可三四葉一蒙木理細緻於豫樟子赤者材堅子白者材脆江南及新城上庸蜀皆多樟柑終南山與上庸新城通故亦有柑也詩正義引孫炎曰荊州曰梅揚州曰柑一切經音義廿一引樊光云荊州曰梅揚州曰柑益州曰赤梗葉似豫樟無子也是樊義與陸疏合孫與樊同蓋皆以梅柑爲大木非酸果之梅郭注似杏實酢及說文云可食俱誤矣南山經云虔勺之山其上多梓柑郭注柑大木葉似桑今作楠音南爾雅以爲柑此注得之文選西京賦注引爾雅注作柑木似水楊與今本異

被粘

粘似松生江南可以爲船及棺材作柱埋之不腐

宋本及釋文俱作粘不成字蓋黏字之誤徐鉉作黏亦非段氏說文注依爾雅改作黏是也按後漢書華陀傳有漆葉青黏散黏亦不成字注音女廉反恐卽黏字之誤也釋文黏字或作杉所咸反郭音芟又音纖據陸音郭注此卽今杉木也但爾雅作黏似當依後漢書注作女廉反矣

欖

柚屬也子大如手孟皮厚二三寸中似枳食之少味

說文檄木可作牀几讀若價繫傳以爲檄梓之屬非郭義也桂海虞衡志云廣南臭柚大如瓜可食其皮甚厚染墨打碑可代氈旃且不損紙卽郭注所說也

枉櫬

似棣細葉葉新生可飼牛材中車輞關西呼枉子一名土樞

爾雅義疏

下之二 釋木

二 中華書局聚

櫨今字說文作櫨云梓屬大者可為棺槨小者可為弓材考工記弓人取榦櫨次之注引爾雅按說文有櫨無榦其櫨字云櫨也一疑櫨即榦之譌一又櫨字古文似榦段氏注依汗簡謂即屯字側書似矣但謂說文今無榦字恐非也詩中榦字毛傳俱用爾雅陸璣疏云榦櫨也葉似杏而尖白色皮正赤為木多曲少直枝葉茂好二月中葉疏華如練而細藥正白蓋樹今官園種之正名曰萬歲既取名於億萬其葉又好故種之共汲山下人或謂之牛筋或謂之櫨材可為弓弩榦也郭注西山經云榦似榦而細葉與此注同即陸璣疏所謂櫨也說文櫨云梓屬蓋櫨類非此也

櫨木瓜

實如小瓜
酢可食

詩木瓜傳櫨木也可食之木齊民要術引詩義疏曰櫨葉似柰葉實如小瓜上黃似著粉香欲啖者截著熱灰中令萎薦淨洗以苦酒鼓汁蜜度之可案酒食蜜封藏百日食之甚益人考工記弓人取榦木瓜次之是其木中弓材也本草陶注木瓜最療轉筋如轉筋時但呼其名及書土作木瓜字皆愈俗人挂木瓜杖云利筋脈也要術引廣志云木瓜子可藏枝可為杖舊作數依類聚引改一號一尺百二十節西山經云中曲之山有木焉實大如木瓜水經江水過魚復縣南注云故陵邨路即永谷也地多木瓜樹有子大如顛白黃實甚芬香爾雅之所謂櫨也

棕即來

今棕材
中車輜

說文棕即來也釋文引埤蒼字林竝作棕云棕也木今作來御覽九百六十一引舊注云棕有髓熊折而乳之唐本草注葉似柿兩

葉相當子細圓如牛李子生青熟黑其木堅重煑汁赤色陳藏器云即松楊一名掠子木

栳

栳似櫟而庫小子如細栗可食今江東亦呼為栳栗

詩其灌其栳毛傳說文俱用爾雅陸璣疏云葉如榆木理堅韌而亦可為車轆今人謂之芝栳也郭云似櫟救者今櫟樹似櫟亦似栗而實小細栗即今茅栗是也詩釋文引舍人云江淮之閒呼小栗為栳栗廣韵云楚呼為茅栗也爾雅釋文櫳字又作栳音而後漢書王符傳注引爾雅曰栳櫳音而注反是栳或作櫳今依宋本作栳是也栳當讀反其旄倪之倪倪訓小也栳亦小也栳栳字之

櫳

櫳可以為栳器素

說文櫳木也以其皮裹松脂从虛聲讀若華一舊本櫳櫳二篆互譌今从段本一或作櫳繫傳云此即今人書櫳字今人以其皮卷之然以為燭裹松脂亦所以為燭也按櫳燭謂此其皮即煖皮緻密輒溫今人以裹鞍及弓靶者是也詩無浸櫳薪鄭箋櫳落木名也正義引某氏曰可作栳圈皮韌繞物不解陸璣疏云今椰榆也其葉如榆其皮堅韌剝之長數尺可為絙索又可為甌帶其材可為栳器漢書司馬相如傳云留落胥邪郭注落櫳也中作器素與此注同素謂櫳也

柚

似橙實酢生江南

說文柚條也似橙而酢引書厥苞橘柚通作櫳中山經云荆山多橘櫳郭注櫳似橘而大也皮厚味酸云似橙者釋文引呂忱云橙

爾雅

義疏

下之二

釋木

釋木

釋木

三

中華書局聚

橘屬上林賦云黃甘橙橘廣雅云柚橘也橘柚條古音俱相近因以爲名橘柚皆生江南踰淮而化爲枳楚辭橘頌云受命不遷生南國今文子尚德篇云橘柚有鄉呂覽本味篇云果之美者雲夢之柚

時英梅雀梅

說文桼梅也玉篇作模梅也無時字未審模卽英不酸果之梅說文作某云酸果也古文作寐亦通作模詩標有梅釋文引韓詩作模模本梅枏之梅之或體韓借模爲某也古以梅爲籩實故小正以黃梅紀候周禮以乾蓀實籩內則釋文乾桃乾梅皆曰諸是也齊民要術引詩義疏云梅杏類也樹木葉皆如杏而黑耳實赤於杏而酢亦生噉也黃而曝乾爲腊置羹臠齏中又可含以香口亦蜜藏而食按此乃梅枏注所謂似杏實酢者也爾雅英梅說文桼梅蓋非果類故南都賦桼柘憶檀連言可知桼梅非果類矣要術引郭此注英梅未聞然則今注雀梅非郭語也

援柜柳

說文柳櫻据木也段氏注云櫻援形似据柜聲同櫻疑援之譌也郭引或說柳當爲柳者馬融廣成頌云柜柳楓楊玉篇廣韵竝云柳柜柳釋文柜郭音舉然則柜柳卽櫻柳也本草陶注擇樹山中處處有之皮似檀槐葉似櫟樹人多識之今按櫻柳多生谿澗水側其葉方柳爲短比槐差長其材擁腫不中器用郭云皮可煮作飲者陶注夏月作飲去熱是也南方採茗人多雜取其葉爲甜茶北方無作飲者俗呼之平楊柳或謂之鬼柳鬼柜聲相轉也援柳聲轉爲楊柳柜柳又轉爲杞柳趙岐孟子注杞柳柜柳也

栩杓樹

說文柔栩也栩柔也其實阜一曰樣即橡字宋嘉祐本草引孫炎云栩一名杓詩集于苞栩陸璣疏云今作櫟也徐州人謂櫟為杓或謂之為栩其子為阜或言阜斗其殼為汁可以染阜今京洛及河內多言杓汁謂櫟為杓五方通語也杓或作芋莊子齊物論云狙公賦芋司馬彪注芋橡子也橡通作象鄭注掌染草云藍蒨象斗之屬又謂之阜物鄭衆注大司徒云阜物杓栗之屬是也今杓樹花葉俱似栗四五月開花黃色實圓銳磨粉及蒸食可禦饑年煨葉可代茗飲其木衰理故匠石以為不材之木而作薪炭則它木皆不及也杓又名采史記李斯傳云采橡不斷徐廣注采一名櫟漢書司馬相如傳應劭注櫟采木也高誘淮南本經篇注杓采實也采杓雙聲相杓疊韵

味莖著

釋草已有此名疑誤重出

釋文味本今作味引舍人本莖著作抵都樊本作屠是樊光舍人俱不以為莖莖藉之重文又味音亡戒反周禮序官鼈師注杜子春讀鼈為莖莖著之味是味既異讀師說當復不同齊民要術十引皇覽冢記孔子冢塋中樹有杓粉維離女貞五味棗檀之屬然則木中亦有五味不獨草矣翟氏補郭引啓蒙記如何之樹隨刀改味雖未必即爾雅所指然亦可見木類之中亦有諸味具者郭疑重出似未然耳

蘊莖

今之刺榆

爾雅義疏

下之二

釋木

四

中華書局聚

釋文蘊烏侯反引詩云山有蘊本或作藍同隸釋載石經魯詩作藍郭云今刺榆者說文梗山枌榆有束廣雅云柘榆梗榆也方言云凡草木刺人者自關而東或謂之梗郭注梗今之梗榆也是梗榆即刺榆廣雅又云控刺也控與莖聲義同莖之為言猶刺也邢疏引陸璣疏云其針刺如柘其葉如榆淪為茹美滑如白榆榆之類數十種葉皆相似皮及木理異矣按刺榆即今山榆葉小於常榆刺皆如柘刺齊民要術云刺榆木甚牢朋可以為犢車材

杜甘棠

杜梨

詩蔽芾甘棠說文毛傳俱用爾雅杜與棠有甜酢之分今通謂之杜梨其樹如梨葉似蒼朮而大二月開華白色結實如小楝子霜後可食棠一名梔廣雅云梔梨也漢書司馬相如傳云亭柰厚朴張揖注亭山梨也亭史記作梔初學記引序志云上黨梔梨小而甘或云孝子尹伯奇采梔花以為食梔花即棠梨花梔棠一聲之轉也

狄臧棒貢棊

皆未詳

釋文棒舍人本作皋樊本作格說文格木也廣雅云棊格也玉篇云楸臧棒也爾雅補郭引集韵云格柏也

杙繫梅

杙樹狀似梅子如指頭赤色似小柰可食

唐本草赤爪木一名鼠櫨一名羊楸宋圖經又名棠楸皆山櫨也楸與杙同今山櫨有二種小者高數尺繁枝柯葉銳而多岐其華白核若牽牛子大者高丈許華葉俱同有有刺者實大經霜乃赤謂之棠楸子其小者今呼山櫨也齊民要術引廣志曰杙木易長

多種之爲薪又以肥田釋文繫樊木作桶工厄反按廣韵十二齊云繫苦奚切引爾雅則讀若期枕古音如雞梅如迷然則枕繫雙聲又與梅疊韵也

科者聊

詳未

阮雲臺師曰科卽棟也棟卽椒檉醜萊之萊爾雅此條似專爲唐風椒聊而釋毛鄭皆知故傳云椒聊椒也也上必脫棟字箋云一棟之實意卽承傳而述言之緣傳已專訓不必再爲聊棟也之訓矣

魄榼榼

魄大木細葉似檀今江東多有之齊人諺曰上山斫檀榼榼先殫

釋文榼本亦作醢按榼音同僕方言六云僕醢危也此皆疊韵之字取聲不取義竝無正文也魄卽今白木也今京西諸山有之其木皮白材理細密作炭甚堅謂之白木白魄聲同也陸璣詩疏云檀木皮正青滑澤與繫迷相似又似駁馬駁馬梓榆故里語曰斫檀不諦得繫迷繫迷尚可得駁馬繫迷一名繫榼故齊人諺曰上山斫檀繫榼先殫是繫榼卽榼榼又云駁馬梓榆也其樹皮青白駁聲遙視似駁馬故謂之駁馬此卽陸疏檀也繫迷也梓榆也三木皆相似故伐者疑焉繫迷一作繫彌齊民要術引廣志曰繫彌樹子赤如榼棗可食又作英迷唐本草注英迷子兩兩相對色赤味甘是皆榼榼之異名也榼榼英繫繫繫迷彌竝雙聲及疊韵段借字也

稜木桂

今江東呼桂厚皮者爲木桂桂樹葉似枇杷而大白華華而不著子叢生巖嶺枝葉冬夏常青閑無雜木

爾雅義疏

下之二

釋木

五中華書局聚

說文侵桂也桂江南木百藥之長王會篇云自深桂孔晁注自深亦南蠻也楚辭遠游篇云嘉南州之炎德兮麗桂樹之冬榮是桂為江南木也郭以皮厚者為木桂本草作牡桂牡木音相近也南方草木狀云桂生合浦交趾生必高山之巔冬夏常青其類自為林更無雜樹有三種皮赤者為丹桂葉如柿者為菌桂葉似枇杷者為牡桂雷公炮炙論云桂釘木根其木即死故呂覽云桂枝之下無雜木也南山經云招搖之山多桂樹郭注與此注大意同蜀都賦云其樹則有木蘭侵桂類聚八十九引郭氏讚云桂生南裔拔萃岑嶺廣莫熙葩凌霜津穎氣王百藥森然雲挺

榦無疵

榦榦屬似豫章

說文榦丹杙也从侖聲讀若易卦屯按此則榦杙雙聲兼疊韵丹與無古字通說文疵字書作杙玉篇廣韵竝作杙是無正文疑與杙形近而誤也郭云榦屬似豫章者予虛賦云榦杙豫章集注榦即今黃梗木也西山經云崑陽之山其木多榦杙豫章郭注豫章大木似楸葉冬夏青服虔子虛賦注豫章生七年迺可知也

楮櫟

腫節可為杖

楮櫟亦雙聲也說文楮櫟互訓釋文引樊孫竝云楮櫟腫節可作杖毛詩草木疏云節中腫似扶老即今靈壽是也今人以為馬鞭及杖弘農共北山皆有之漢書孔光傳云賜太師靈壽杖孟康注扶老杖也顏師古注木似竹有枝節長不過八九尺圍三四寸自然有合杖制不須削治也陳藏器本草云生劍南山谷圓長皮紫

檉河柳今河旁赤莖小楊旄澤柳生澤中者楊蒲柳可以爲箭左傳所謂董澤之蒲

夏小正正月柳穉三月萎楊是本二物今亦判然兩種故書雅記則皆通名故說文云柳小楊也詩言楊柳依依有苑者柳東門之楊皆一物耳爾雅旄旄楊通謂之柳蒲柳又謂之楊是皆通名矣○詩其檉其楮說文毛傳俱本爾雅詩正義引某氏云河柳謂河傍赤莖小楊也陸璣疏云生河旁皮正赤如絳一名兩師枝葉似松廣雅雨師檉櫝也爾雅翼云天之將雨檉先知之起氣以應今驗天將雨檉先華羅願此語不虛也又謂之朱楊子虛賦云櫟離朱楊史記索隱引郭注赤莖柳生水邊也又謂之三春柳言一歲三華也華色紅白細葉蓬茸今滄州文安彌望如莽條肄鬚鬚紅翠相鮮檉之爲言頰也樹皮頰赤故被斯名矣○旄與冬桃同名說文作旄冬桃讀若旄按柳桃葉相似旄旄象手髮下垂今之垂絲柳枝葉阿難如將委地尤宜近水郭云生澤中也今東齊人或謂之麻柳麻旄聲相轉○說文楊木也類聚初學記御覽俱引說文作楊蒲柳也蓋今本缺脫之詩不流束蒲鄭箋蒲蒲柳陸璣疏云蒲柳有兩種皮正青者曰小楊其一種皮紅者曰大楊其葉皆長廣似柳葉皆可以爲箭榦故春秋傳曰董澤之蒲可勝既乎今又以爲箕罐之楊也按楊唐本草謂之水楊云葉圓闊而尖枝條短硬與柳全別柳葉狹長枝條長軟唐本所說即今所謂楊也人多插壓河邊抽作長條輕脆易斷至若陸璣所說即今柳條插壓其枝不令成樹其葉長大其條柔軟可作簾箕者也水經河水過楊虛縣注引三齊略記曰鬲城東南有蒲臺秦始皇東遊海上於臺下蟠蒲繫馬至今每歲蒲生縈委若有繫狀似水楊可以爲箭即此所謂蒲柳是矣詩釋文引孫毓以蒲與戍許相協是蒲柳之蒲當讀作浦段氏遂欲改蒲爲浦悉非

權黃英輔小木權輔皆未詳

說文權黃華木英字解云一曰黃英是說文於爾雅權黃英作華於釋草之權黃華作英也玉篇亦云黃英木蓋英華散文通名矣翟氏補郭引宋書符瑞志云花葉謂之英以葉為英非雅義也○邵氏正義引詩山有扶蘇傳云扶蘇扶胥小木輔為扶胥之合聲段氏說文注扶扶疏四布也疏通作胥亦作蘇引詩傳謂木上本無小字今按以扶胥為小木此於雅訓無文而輔又不可謂即扶胥也扶胥雖可通扶疏而扶疏又不
可謂即木名也蒙意未安當在闕疑

杜赤棠白者棠棠色異異其名

說文杜曰棠牝曰杜此言赤白許言牝杜所未詳詩有杖之杜傳杜赤棠也陸機疏云赤棠與白棠同耳但子有赤白矣惡子白色為白棠甘棠也少酢滑美赤棠子澀而酢無味俗語云澀如杜是也赤棠木理韌亦可以作弓榦詩正義引樊光云赤者為杜白者為棠舍人曰杜赤色名赤棠白者亦名棠六書故引作白者為棠赤者為杜為甘棠為赤棠按上云杜甘棠此云赤棠蓋杜實兼二名今亦通名杜棠也西山經云中皇之山其下多蕙棠郭注形棠之屬形即赤矣

諸慮山梟今江東呼梟為藤似葛而麤大攝虎梟今虎豆纏蔓林樹而生英有毛刺今江東呼為攢攝音涉

諸慮疊韻與釋蟲之奚相同名說文藟艸也引詩莫莫葛藟又云藟木也繫傳云本草謂嬰奧為千歲藟即今人言萬歲藤大者如盎又冬不彫故從木其形蔓似草故從艸在草木之間也廣雅云藟藤也玉篇云今總呼草蔓延如藟者為藤是藤藟皆兼草木二

種爾雅所釋則皆木也齊民要術引詩義疏曰纍巨荒也似燕薹連蔓生葉似艾（此二字據詩釋文補）白色子赤可食酢而不美幽州謂之椎纍又曰櫻薹實大如龍眼黑色今車鞅藤實是然則陸以車鞅藤爲薹薹薹薹似纍即今之山蒲桃葉小如蒲桃而肥澤其子亦如蒲桃可食生於山陂之閒故有山纍之名矣○虎薹即今紫藤其華紫色作穗垂垂人家以飾庭院謂之虎薹者其莢中子色斑然如狸首文也大觀本草云江東呼爲招豆藤郭云虎豆者古今注云虎豆似狸豆而大中山經云卑山其上多纍郭注今虎豆狸豆之屬纍一名滕滕與藤纍與纍並古字通也云江東呼纍攝者謝靈運山居賦云獵涉薹薹自注云獵涉字出爾雅是獵涉即纍攝皆音同段借字也

杞枸櫞

今枸杞也

說文櫞杞並云枸杞也廣雅枸乳苦杞也又云地筋枸杞也枸櫞同又作苟南山經云虔勺之山其下多荆杞郭注杞苟杞也又作句左傳昭十二年傳云我有圃生之杞乎正義引舍人曰句杞也禮表記豐水有芭注芭枸櫞也正義引孫炎云即今枸芭本草一名枸忌御覽引吳普一名枸已詩釋文枸本作苟左傳釋文枸又作枸按今人通呼狗嬭子狗苟句忌已芭俱聲同段借字也大觀本草引陸璣疏云一名苦杞一名地骨春生作羹茹微苦其莖似莓子秋熟正赤莖葉及子服之輕身益氣耳蘇頌圖經云春生苗葉如石榴葉而軟薄堪食俗呼爲甜菜其莖幹高三五尺作叢六七月生小紅紫花隨便結紅實形微長如棗核其根名地骨吳普本草一名羊乳蓋以其子形似也

杭魚毒

杭大木子似栗生南方皮厚汁赤中藏卵果

說文荒魚毒也本草荒華別錄一名毒魚一名杜荒其根名蜀桑可用毒魚按此即今荒條苗高二三尺其華紫色葉如桺葉而小擣其汁以毒魚則死然則荒乃草屬不知何故列於釋木既改从木旁杭且云中藏卵果而又空冒魚毒之名皆所未曉郭云杭大木生南方即吳都賦云縣杭枕櫨是也劉逵注引異物志云杭大樹也其皮厚味近苦澀剝乾之正赤煎訖以藏衆果使不爛敗以增其味豫章有之臨海異物志云杭味似楮用其皮汁和鹽漬鴨子齊民要術作杭子法本此輟耕錄云今人以米湯和入鹽草灰以團鴨卵謂曰鹹杭子要術又云無杭皮者用虎杖根虎杖似紅草然則用杭皮亦取其紅色耳今北方無杭汁以柞木灰代之取竹柏枝煮汁漬鴨卵卵中遂作竹柏形宛然似真謂之變卵矣

檄大椒

今椒樹叢生實大者名檄

椒說文作茱云茱茱詩貽我握椒傳云椒芬香也椒聊之實傳云椒聊椒也陸璣疏云椒樹似茱萸有針刺葉堅而滑澤蜀人作茶吳人作茗皆合煮其葉以為香今成皋諸山間有椒謂之竹葉椒其樹亦如蜀椒少毒熱不中和藥也可著飲食中又用烝雞豚最佳香東海諸島亦有椒樹枝葉皆相似子長而不圓甚香其味似橘皮島上獐鹿食此椒葉其肉自然作椒橘香本草秦椒蜀椒並居中品別錄蜀椒一名巴椒一名唐藪口閉者殺人陶注秦椒云今從西來形似椒而大色黃黑味亦頗有椒氣或呼為大椒類聚八十九引范子計然曰蜀椒出武都赤色者善秦椒出天水隴西細者善然則秦椒大於蜀椒爾雅之檄大椒即秦椒矣秦椒今之

花椒本產於秦今處處有人家種之齊民要術有種椒篇是也其子落自生者爲狗椒豬椒本草謂之蔓椒不堪食人皆拔去之椒辛熱有毒急就篇與附子荒華並列其毒可知舊說中其毒者涼水麻仁聚解之中山經云琴鼓之山其木多穀柞椒柘郭注椒爲樹小而叢生下

有草木則蓋死

梗鼠梓

椒屬也今江東有虎梓

詩北山有梗毛傳說文俱用爾雅正義引李巡曰鼠梓一名梗陸璣疏云其樹葉木理如楸山楸之異者今人謂之苦楸按陸云山楸之異者異於上文楸山楸也今一種楸大葉如桐葉而黑山中人謂之價楸卽郭所云虎梓

楓

楓樹似白楊葉圓而岐有脂而香今之楓香是

說文楓木也厚葉弱枝善搖一名彙不作重文又云彙木葉搖白也是木葉搖通謂之彙楓尤善搖故獨曰彙彙也繫傳引山海經黃帝殺蚩尤棄其桎梏爲楓木大荒南經文也又云其上溜遇風雨則長曰楓人南方草木狀有其說也史記司馬相如傳索隱引舍人曰楓爲樹厚葉弱莖大風則鳴故曰楓御覽十一引孫炎曰攝攝生江上有寄生枝高三四丈廣韻作尺生毛一名楓子天旱以泥泥之卽雨廣韻引同又云楓脂入地千年化爲虎魄大觀本草引草木狀曰楓香樹子大如鴨卵二月花發乃連著實八九月熟曝乾可燒惟九真郡有之按今北方楓樹小亦無脂香霜後紅葉可觀耳

寓木宛童

寄生樹一名蒿

爾雅義疏

下之二一釋木

八中華書局聚